



COMUNE DI NUXIS

Provìntzia de su Sud Sardigna

Via Cagliari 67 – 09010 NUXIS (SU) Tel 0781 9579212 – Fax 0781957484

mail servizisociali@comune.nuxis.ci.it

Sito internet <http://www.comune.nuxis.ci.it/>

C.F. 81003590924 – P.IVA 01393700925

BANDO PÙBBlicu

PO S'ASSEGNATZIONI DE SU RIMBORSU DE IS SPESAS DE VIÀGIU A IS STUDENTIS PENDULARIS CHI FRECUENTANT IS SCOLAS SEGUNDÀRIAS DE SEGUNDU GRADU

ANNU SCOLÀSTICU 2021/2022

Is tzitadinus interessaus a atzedi a is rimborsus de is spesas de viàgiu sustènnias de is studentis pendularis de is iscolas segundàrias de segundu gradu in s' a.s. 2021/2022, depint presentai dimanda a su Comunu de NUXIS, oberendi su mòdulu aprontau apostadamenti, de sa dii **24.08.2022 e non prus a trigadiu de su 29.09.2022**, sigundu is tèrminis e is modalidadis cuntènnias in custu bandu de cuncursu.

Sa rechesta depit essi cumpilada de su studenti (si est maggiorenni) e de is chi esertzintat sa podestadi genitoriali in casu de minorennis.

1) BENEFITZIÀRIUS E RECUISIUS

Podint essi rimborsaus sceti is costus de trasportu relativus a s'impreu de mezus pùbblicus de linnia sustènnias de is studentis in su Comunu de Nuxis chi ant frequentau, in s'a.s. 2021/2022 un'istitutu de scola segundària de segundu gradu e, sceti in mancàntzia de custus, podit essi pigau in cunsideru su rimorsu chilomètricu fatu cun veturas privadas-

Po su scoopu de s'erogatzioni de su benefitziu econòmicu in s'ogetu, sa Giunta Comunali cun deliberatzioni n. 50 de su 23.08.2022 at aprovau sa tabella afatanti, chi cuntenit is fàscias redditualis e il pertzentualis relativus de rimbrosu:

| FÀSCIA | RÈDDITU I.S.E.E | PERCENTUALI DE RIMBORSU |
|--------|----------------------------------|------------------------------|
| "A" | de € 0 a € 6.500,00 | 100% de sa spesa documentada |
| "B" | de € 6.500,01 a € 13.000,00 | 80% de sa spesa documentada |
| "C" | de € 13.000,01 a € 20.000,00 60% | 60% de a spesa documentata |

Is benefitzius e is contributus funt cuntzèdius a is studentis chi no arricint o no apant arriciu po s'annu scolàsticu in s'ogetu, benefitzius anàlogus ergoaus de is pùbblicas amministratzionis po is matessi finalidadis.

2) MODALIDADI DE PRESENTAZIONI DE IS DIMANDAS

Sa dimanda depit essi redada in su mòdulu aprontau de su Comunu de Nuxis e publicau in su situ istituzionali de s'Enti o chi est a disponimentu in is Ufitzius Comunalis. S'Istàntzia, beni cumpilada, depit essi mandada a s'Ufitziu Protocolu de s'Enti, a manu a via PEC a s'indiritzu protocollo.nuxis@pec.comunas.it impari a sa tzertificatzione I.S.E.E. e a is abbonamentus originalis.

Is dimandas presentadas in antis o a pustis de is tèrminis arremonadus in antis o sena de is allegaus arricchidus ant a essi esclùdias

Is recuisius e is cunditionis po sa partecipazioni a custu bandu funt atestàbili po mèdiu de decrarazioni sostitutas sigundu is art.s 46 e 47 de su DPR n. 445/2000.

Sigundu s'art. 38 comma 3 de su D.P.R. n. 445/2000, sa firma posta in sa dimanda non depit essi autenticada si est posta in presèntzia de su dipendenti postu po s'arricimentu o si sa dimanda est presentada in paris a fotocòpia, non autenticada, de unu documentu de identidadi personali de su sutascritori .

3) ÀTERAS DISPOSIZIONIS

Is Ufìtzios cumpetentis ant a protzedi a s'istutòria de is dimandas e sa verìfica de su possesu de is recuisius prevèdius.

Is dimandas non cumpletas o sena de sa documentazioni arricchida, no ant a essi consideradas vàlidas po sa formatzioni e de sa graduatòria e duncas ant a essi esclùdias.

S'Amministratziòni Comunali si riservat de fai controllus idòneus, fintzas a campioni, in is decrarazioni sostitutas presentadas, aici a comentis est prevèdiu in sa normativa in vigèntzia in matèria.

Acabada s'istutòria de is dimandas, s'at a provedi a sa publicatziòni, in s'Albu Pretòriu de su situ istituzionali, de una graduatòria provisòria chi cuntenit is datus relativus a is beneficiariis de su contributu, s'entidadi e sa modalidadi de erogazioni, opuru s'esclusioni eventuali de su contributu etotu.

A intrus de su tèrmini de **10 diis** de sa publicatziòni subarremonada, si podint presentai ricursus eventualis.

Passaus su tèrmini, in assèntzia de ricursus motivaus in manera pretzisa, sa graduatòria est de cunsiderai definitiva.

Su Comunu at a provedi duncas a s'erogazioni de is rimborsus in favori de is studentis chi tenint deretu o, si minorennis, in favori de chini esertizat sa podestadi genitoriali.

Si in casu sa disponibilidadi finantziària essit assèrida non sufizienti a acarrai in manera integrali totus is assegnazioni de rimborsu spesas de viàgiu, destinadas a is istudentis chi appartenint a is tres fàscias ISEE, sa pertzentuali de rimborsu at a essi smenguada in manera proportzionali.

4) INFORMATIVA A PIZUS DE SU TRATAMENTU DE IS DATUS PERSONALIS

Sigundu sa normativa indicada, su tratamentu relativu a custu servìtziu (Istàntzia chi pertocant is Servìtzios Scolàsticus) at a essi improntau a is printzìpis de **curretesa, litzeidadi, trasparèntzia e de amparu de sa privadesa e de is deretus Suus.**

Sigundu s'artìculu 13 de su Reg. UE 2016/679, duncas ddi donaus is informatziòni afatantis is datus personalis chi in ocasioni de s'ativazioni de custu servìtziu ant a essi regortus e trataus **pertocant** :

- datua identificativa: sangunau e nòmini, residèntzia, domitziliu, nàscida;
- situatzione familiari;
- situatzioni econòmica;

NON funt prevèdius tramaentus de **datua sensìbilìa.**

Is datu regortus ant a essi trataus **poita**:

- Su tratamentu est netzessàriu po s'esecuzioni de unu còmputu de interessu pùbblicu o cunnètiu a s'esercìtziu de podèrius pùbblicus chi tenit su titulari de su tratamentu; is datus

personalis funt regotus e trataus, puru cun ainas informàticas, sceti in s'àmbitu de su protzedimentu po su cali si presentat custa istàntzia;

- su tratamentu est netzessàriu po su persighimentu de su interessu legítimu de su titulari de su tratamentu o de tertzus, cun sa cundizioni chi non binciant is interessus e o is deretus e is libertadis fundamentalis de s'interessau chi arricchedint s'amparu de is datus personalis, massimamenti si s'interessau est unu minori

Is datus personalis furnius ant a essi **ogetu** de:

- regorta;
- registratzioni;
- organizatzione;
- allogu;
- consultatzioni;
- comunicatzioni po mèdiu de trasmissioni;

In casu de comunicatzioni is datus ant a essi trasmìtius a

- istitutus bancàrius chi erogant prestatzionis funtzionalis a su perfetzionamentu de sa protzedura
- sugetus chi elaborant is datus in esecutzioni de òbligis de lei spetzificus.

Su tratamentu:

- non cumportat s'ativatzioni de unu protzessu detzisionali automatizau.

Si informat ca, tentu in cunsideru de is finalidadis de su tratamentu a comentis ispricadas in antis, su cunferimentu de is datus est **obligatòriu** e su cunferimentu, mancali, partziali o non pretzisu at a podi tenni, po consighèntzia, s'impossibilitadi de su svolgimentu de s'atividadi.

Su tratamentu s'at a fai **cun ainas a manu e/o informàticas e telemàticas** cun lògicas de organizatzioni e elaboratzioni correladas a is finalidadis etotu e, a dònna manera, in manera de assigura sa siguresa, s'integridadi e sa privadesa de is datus etotu in su rispetu de is mesuras organizativas, fisicas e lògicas prevèdias de is dispositzionis vigèntis.

Funt stètiat adotadas, in particulare, is **mesuras de siguresa** afatantis:

- Sistemas de autenticatzioni
- sistemas de autorizatzioni;
- sistemas de amparau (antivirus e firewall perimetralia contras a s'intrusioni) adotaus po su tratamentu;
- Is faldonis eventualis risiedint in armàdius custodias (Siguresa logìstica);

Is datus personalis funt allogaus:

- a tempus illimitau in su rispetu de sa normativa in vigèntzia a pitzus de s'allogu de sa documentatzioni amministrativa.

Fusteti at a podi, in calisiat momentu, esertzitari is **deretus**:

- de circai prus informatzionis in relatzioni a cantu est scritu in custa informativa
- de atzessu a is datus personalis;
- de otenni sa retifica o scancelladura de is datus etotu o sa limitatzioni de su tratamentu chi ddi interessant (in is casus prevèdius de sa normativa);
- de si oponni a su tratamentu (in is casus prevèdius de sa normativa)
- a sa portabilitadi de is datu (in is casus prevèdius de sa normativa);
- de revocai su cunsensu, candu est prevèdiu: sa rèvoa de su cunsensu non pregiudicat sa litzeidadi de su tramentu basada in su cunsensu cunferiu in antis de sa rèvoa;

- de proponni reclamu a s'autoridadi de controllu (Garanti Privacy)
- de donai incàrrigu a un'organismu, un'organizazioni o a un'assòtziu chena scopu de lucru po s'esercìtziu de is deretus suus
- de circai su risarcimentu de is dannus chi cunsighint a sa violatzioni de sa normativa (art. 82)

Si in casu su titolari de su tratamentu bollat tratai in manera ulteriore is datus personalis po una finalidadi differenti de sa chi ddus ant regortus, in antis de custu àteru tratamentu s'ant a donai informatzioni chi pertocant custa finalidadi differenti e dònna àtera informatzioni pertinenti. S'esercìtziu de is deretus suus si podit fai po mèdiu de cuntatu deretu e/o mandendi una **rechesta** fintzas po mèdiu de email a:

| Sogetu | Datus anagràficus | Datus de cuntatu | Datus de cuntatu |
|-------------------|-------------------|------------------------------------|------------------|
| Titulari | Comune di Nuxis | Sindaco@comune.nuxis.ci.it | |
| Responsabile | | Sindaco Sindaco@comune.nuxis.ci.it | |
| Help Desk Privacy | | 07819579206 | |

| | |
|---|---|
| Responsabili de s'Amparu de is Datus | (indirizu email) rpd@comune.nuxis.ci.it |
|---|---|

Cuntatu web de su titolari: www.comune.nuxis.ci.it

Ddi informaus chi podit ontenni àteras informatzionis a pitzus de su tratamentu de is datus e a pitzus de s'esercìtziu de is dritus e puru a pitzus de normativa in matèria a is links afatantis:

| Descritzioni | link |
|---|---|
| Pàgina web de su titolari | Www.comune.nuxis.ci.it |
| Regulamentu (UE) 2016/679 de su Parlamentu Europeu e de su Consiliu, de su 27 de abriale 2016, relativu a sa protetzioni de is personas fisicas chi pertocat su tratamentu de is datus personalis, fintzas sa circolatzioni libera de cussus datu e chi abrogat sa direttiva 95/46/CE (regulamento generali a pitzus s'amparu de is datus) (Testo rilevanti po is scopus de su SEE) | https://europa.eu/european-union/abouteu/institutions-bodies/european-dataprotection-s |
| Garanti europeu de s'amparu de is datus (GEPD) | https://europa.eu/european-union/abouteu/institutions-bodies/european-dataprotection-su |
| garante italianu de s'amparu de is datus | http://www.garanteprivacy.it/web/guest/home |

Su TITULARI Comune di Nuxis cun sea in Nuxis (CA) cap 09010, via Cagliari C.F. 81003590924 sito web www.comune.nuxis.ci.it

NUXIS, 23 de austu 2022